

“চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্পে ২০/১২/২০১৭ তারিখে মীরসরাই উপজেলার ০৬ নং ইউনিয়ন এ অনুষ্ঠিত PRA সেশনের প্রতিবেদন

- প্রকল্পের নাম : “চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্প
- PRA সেশন অনুষ্ঠিত হওয়ার তারিখ, সময় ও স্থান : ২০/১২/২০১৭ তারিখে মীরসরাই উপজেলার ০৬ নং ইউনিয়ন এ সকাল ১০.৩০ ঘটিকায় ইউনিয়ন পরিষদের সম্মেলন কক্ষে PRA সেশন অনুষ্ঠিত হয়।
- উপস্থিতির তালিকা : PRA সেশন এ উপস্থিতির তালিকা পরিশিষ্ট ‘ক’ তে সংযুক্ত করা হলো।
- আলোচনা : “চট্টগ্রাম জেলার মীরসরাই উপজেলার উন্নয়ন পরিকল্পনা প্রণয়নঃ সার্বিক দুর্যোগ ব্যবস্থাপনাকে ভূমি ব্যবহারের মাধ্যমে সম্পৃক্তকরণ” শীর্ষক প্রকল্পের প্ল্যানার প্রকল্পের সার্বিক বিষয়াদি সম্পর্কে ধারণা প্রদান করেন। আলোচনার শুরুতে তিনি আনুষ্ঠানিক পরিচয়পর্ব পরিচালনা করেন। এরপর তিনি নগর উন্নয়ন অধিদপ্তরের কার্যক্রম এবং মীরসরাই উপজেলার জন্য চলমান উন্নয়ন প্রকল্প সম্পর্কে উপস্থিত জনগণকে অবহিত করেন। পরবর্তীতে তিনি পরে তিনি মীরসরাই উপজেলায় নির্মাণাধীন দেশের সর্ববৃহৎ অর্থনৈতিক অঞ্চল বিষয়ে আলোচনা করেন। তিনি উপজেলায় অর্থনৈতিক অঞ্চলের প্রভাব সম্পর্কে তুলে ধরেন। তিনি বলেন সমগ্র উপজেলার মধ্যে অর্থনৈতিক অঞ্চলের প্রভাব সব থেকে বেশি পরিলক্ষিত হবে এই ইউনিয়নে। তিনি উল্লেখ করেন যে সমস্যা মোকাবেলায় মীরসরাই উপজেলার জন্য যথাযথ পরিকল্পনার প্রয়োজন। আর পরিকল্পনার জন্য মীরসরাই অধিবাসীদের সহযোগিতার প্রয়োজন। এরপর তিনি মীরসরাই উপজেলার বিশ্ববিদ্যালয় পড়ুয়া ছাত্রদের সংগঠন এবং ইচ্ছাখালি ইউনিয়নের সন্তান জনাব মোজাম্মেলকে অনুরোধ করেন মীরসরাই উন্নয়ন প্রকল্পে তাদের সংগঠনের সম্পৃক্ততার বিষয়ে আলোকপাত করার জন্য। জনাব মোজাম্মেল প্রকল্পে তাদের অংশগ্রহণের বিষয়টি তুলে ধরেন। পিআরএ সেশনে উপস্থিত সদস্যরা পাহাড়ি ঢলের কারণে আসা পানি সঠিকভাবে নিষ্কাশিত না হওয়ার ফলে জলাবদ্ধতা হয়ে থাকে বলে জানান। এই জলাবদ্ধতার পাশাপাশি ক্ষতিগ্রস্ত সড়ককে তারা ইউনিয়ন এর মূল সমস্যা হিসেবে আখ্যায়িত করেন। এলাকাবাসী জানান এলাকায় বিশুদ্ধ পানির তীব্র সমস্যা রয়েছে এছাড়া তারা ইউনিয়ন এ পর্যাপ্ত শিক্ষা প্রতিষ্ঠানের অভাব রয়েছে বলে জানান। পাশাপাশি একটি আধুনিক মানের হাসপাতাল প্রয়োজন ইউনিয়ন এ। ইউনিয়ন এ কোন উন্নত হাসপাতাল নেই বলে এলাকাবাসী উল্লেখ করেন। এলাকাবাসী জানান ইউনিয়নে কেন্দ্রীয়ভাবে তেমন কোন নাগরিক সুবিধাদি নেই। স্থানীয় প্রতিনিধিগণ এলাকায় একটি কলেজ স্থাপনের প্রয়োজনীয়তার কথা উল্লেখ করেন। তারা বলেন যে নিকটবর্তী নিজামপুর কলেজ প্রায় ২৫ কিমি দূরে অবস্থিত। এছাড়া, পর্যাপ্ত সেতুর অভাব, ক্রমাগত কৃষি ভূমি হ্রাস, বাজারের স্থানের অভাব, কারিগরি শিক্ষা প্রতিষ্ঠানের অভাব ইত্যাদি নানা সমস্যার কথা তুলে ধরেন এলাকাবাসী। পিআরএ সেশনে সমস্যাবলী বিষয়ে নিম্নলিখিত সিদ্ধান্ত গৃহীত হয়-
- সিদ্ধান্তসমূহ : ১। পাহাড়ী ঢলে জলাবদ্ধতা
২। ইচ্ছাখালি খালের সংস্কার প্রয়োজন।
৩। অপ্রসস্থ ও ক্ষতিগ্রস্ত সড়ক
৪। পয়নিষ্কাশন সমস্যা
৫। গরুর হাটের অভাব
৬। চিত্তবিনোদন সুবিধার অভাব
৭। কেন্দ্রীয় বিভিন্ন নাগরিক সুবিধাসমূহের অভাব
৮। আধুনিক হাসপাতাল নেই
৯। হাট বাজারের অভাব
১০। আধুনিক হাসপাতাল নেই
১১। কারিগরি শিক্ষা প্রতিষ্ঠানের অভাব
১২। বর্জ্য ব্যবস্থাপনার অভাব
১৩। প্রাথমিক বিদ্যালয়ের অভাব
১৪। পানিতে আয়রন ও আর্সেনিকের উপস্থিতি রয়েছে

পিআরএ সেশনে উল্লেখিত সমস্যাগুলোর সমাধান নিয়ে আলোচনা করা হয়। উপস্থিত সদস্যদের ইউনিয়ন এ প্রয়োজনীয় সুবিধাসমূহের সম্ভাব্য অবস্থান সরবরাহকৃত মানচিত্রে প্রদর্শন করার জন্য অনুরোধ জানানো হয়। গরুর হাট, হাসপাতাল, বাজার ইত্যাদি স্থাপনের সম্ভাব্য জায়গা উপস্থিত সদস্যগণ সংশ্লিষ্ট মানচিত্রে এঁকে দেখান।